

Oier Villarrek irabazi du Europistaseko lehiaketa

BILBO

Oier Villar eskultore gipuzkoarrak aurkeztutako egitasmoak irabazi du Europistas CESA enpresak antolatutako lehen eskultura lehiaketa. Sarietaren arauak jarraiki, saria irabazi duen 'Hay mucho que ver' ('Gauza asko daude ikusteko') egitasmoa gauzatu eta Bilbo-Behobia autopistak Irunen duen sarreran ezarriko du Europistas CESA enpresak.

Neurri handiak hartuko ditu Villarren egitasmoak gauzatzen denean: alturan 4,20 metro izango ditu eta luzeran, berriz, 3,5 metro.

Epaimahaiak beste bi lan ere saritu nahi izan ditu, sarituak izateko adina kalitate zutela eritzita. Bi bigarren sari eman dizkie lehiaketan aurkeztutako beste bi lan: Dora Salazarren 'Circuito' ('Zirkuitua') eta Gorka Otsoaren 'El jardín de Durero' ('Dureroren lorategia') izan dira sari horien irabazleak.

'Pernando, bizirik hago oraindio'

Goaz taldearen antzezlan berria

Xabier Mendigurenen obra bihar estreinatuko da Debako VI Antzerki Astean

Goaz antzerki taldeak bihar taularatuko du estreineko aldiz 'Pernando, bizirik hago oraindio' bere azken muntaia Debako VI Antzerki Astearen markoan. Antzerki talde debarrak berak antolatu duen aurtengo astea lehengo larunbatean hasi zen. Kukubiltxo eta Goazek amaiera emango diote bihar eta etziko emankizunekin.

JOXAN OIZ / DONOSTIA

Izenburuak iradokitzen duen bezala, 'Pernando, bizirik hago oraindio' antzezlanak Pernando Amezketarra herri pertsonaiaren hainbat pasadizu taularatu ditu. Xabier Mendiguren Elizegi obraren egileak EGUNKARIARI adierazi dioenez, «idatzia, 1986. urtean idatzia da; bertan Pernandoren zenbait pasadizu bildu eta josi egin nituen». Esketx modura loturik ez dauden arren, Mendigurenek obra honek eta orduan




Obraren afitxa.

✓ Arazoak arazo, aurtengo asteak jakinmin eta giroa handia sortu du debarraren artean.

oraindik taularatugabe zegoen 'Ama Begira zazu' arrakastatuarekin lotzen du, «tankeraz antzekoa da, umoretsua, herritarra, erreza eta muntatzeko sinplea».

Garai hartan, besteak beste, Pello Urretabizkaia eta Iñigo Egurenk Goierri osatu beharreko talderako eginiko obra da hau, «pertsonaiak haientzat zeuden egokituak hasiera batean». Taldearen asmoak ez zuen aurrera egin eta 88ko Toribio Alzaga saria irabazita argitaratu eta gero Mendigurenek goaztarren esku utzi zuen 'Pernando...', «elkarrekin lan egin bait geunden nere 'Kanpotarrak maisu' harekin». Obra batuaz idatzita dago izenburua goierriartua dagoen arren, «zenbait esamolde adierazkor bezala».

Lukax Dorronsoro aurten 18 urte beteko dituen Goaz taldeko zuzendariak ere lan honen inguruak aipatu dizkio EGUNKARIARI. Bere ustez, «obra hau ondo doakio gure lan tankerari, gure taiminakoa da: taularatu erreza eta mamiz herritarra». Taldeak, hala



Lukax Dorronsoro taldearen zuzendari eta arima.

AITOR BAYO

Goaz taldearen antzezlanak


- 'Senperen gertatua' (1975)
- 'Hil biziak' (1976)
- 'Xuri gorriak eta...' (1978)
- 'Gernika' (1982)
- 'Ez da pale egiteko oldua' (1986)
- 'Kanpotarrak maisu' (1988)
- 'Gogo oñazeak' (1989)
- 'Ihauteriak' (1990)
- 'Pernando, bizirik hago oraindio' (1992)

gutzea gerta liteke».

EUSKAL ANTZERKI AMATEURRA

Bihar egingo den estreinaldia Debako VI Aste honen hirugarren muntaia izango da: «Aurten oso ondo hasi gara, jendeak oso ondo erantzun bait zuen larunbatean Oztibarrekoren 'Aberenia' obrarekin. Deba izateko, arrakastatsua izan zen eta jendeak halako giroa sortu zuen. Hurrengo egunean ezin izan genuen 'In fraganti' eman, taldeki baten istripuagatik eta atzo ere, noski, ez zen eman iragarrita zegoen Añorga eta Mitxelenaen 'Marripuinak'».

Gaur, ordea, bi emankizun izango dira Deban. bata Kukubiltxoren 'Malintxeren madarikazioa' kale antzezlan eta estreinaldia. Lehena 18.00etan eta bigarrena 22.00etan Zubelzun. Etzi Goazek errepikatu egingo du agerraldia ordu eta leku berean.



Xabier Mendiguren. AITOR BAYO

ere, zalantzan izan zen obra aukeratzekoan «izan ere, Pernando Amezketarren pasadizuan oso ezagunak bait dira, jendeak bere egin du pertsonaia eta nork bere Fernando du buruan Dorronsorok; hori dela eta, herritarren Fernando hori tauletara eramatearakoan jendeak ez eza-

Fitxa tekniko eta artistikoa

Idazlea: Xabier Mendiguren.

Zuzendaria: Lukas Dorronsoro.

Jokalariak:

Pernando: Josu Iriondo.
Don Gaxpar, erretorea: Luis Mari Agirrezabala.

Joxepa, Pernandoren emaztea: Dorleta Lazarobaster.

Bittori, erretoaren neskame neskazarra: Arantza Egaña.

Joxe, Pernandoren aita: Joseba Eskudero.

Joxepantoni, Pernandoren semea: Aitor Larramendi.

Zabala, Pernandoren laguna: Inazio Larramendi.

Eszenografia: Josu Iriondo.

Jantziak: Goaz taldea.

Argiak: Karlos Larramendi.

Musika-soinua: Koldo Anta eta Juanma Oiartzabal.



NEGU X GORRIAK TOUR 91+1

MAIATZAK 30
IRUÑEA
EUSKAL HERRIA

Egunkaria rekin